

臨武縣志卷之十三

古蹟志

天地間一邱一壑一泉一石類能效靈而表勝然物不能自傳常假於人以傳故剪棠思名墮淚懷羊人事代謝之間所不與溘然共逝者其蹟耳臨自置縣以來經二千餘年其名賢碩彥世遠年湮而異蹟芳踪尙能存什一於仟伯如屯以尉稱川以守著宅以賈名吊古者撫其殘壘故址斷港頽垣往往歛歔想望低徊不能去非艷其跡實欽其人也語曰可以觀

臨武縣志

卷之十三

古蹟志一

可以興吾於編斯條亦云志古蹟 曹家玉識

臨武故城在邑東十五里古城渡相傳渡以此得名其

處尙有土城舊址

衛尉屯營在縣南三十里茅結嶺上漢元鼎三年南粵王嬰齊薨子興代立太后樛氏邯鄲女先與安國少季通四年武帝使安國少季往諭太后及王入朝令衛尉路博德將兵屯桂陽南境待使者粵相呂嘉反殺太后王及漢使五年帝以博德爲伏波將軍會樓船將軍楊僕討平之屯營有古關火頽明末曹國公

據龍虎關分兵守臨武修其故址今存址今  
太守川在縣東三十里牛頭漢一帶漢熹平間下邳人  
周憬爲桂陽太守以州南境臨武等縣水與南海接  
商旅輻輳自瀑亭至曲江臺水極險惡憬斬山鑿石  
導瀧流南下合滇水入於海商販便之邑人龔臺立  
廟武溪旁世祀焉

期宿村在縣南二十五里楚粵之交地名韭菜水唐貞  
元間張署韓愈同以言事被謫並轡南來署抵臨愈  
踰嶺赴陽山別去踰月期會界上宿其地連床風雨

### 臨武縣志

#### 卷之十三

古蹟志二

是夕虎攫其驟去愈喜曰當賜環乎署曰來寅其徵  
矣明年春果同量移江陵至今村人猶詡其事

王茶坪在縣南五里許相傳前代權茶場

賈公井在縣治後卽賈侯所掘也其泉雖旱不涸至今  
稱爲賈公井比之甘棠云

韓張亭在縣治後官山頂宋紹興間建明再徙於山麓  
兵燬康熙間知縣趙璉美仍山頂舊址重建

枕流亭在環綠書院前景泰間邑人譚衡建

歌眠館在縣南二十五里期宿村之側唐末所建府志

載在韓張山誤矣

御書閣在縣治東元泰定間御書雪蓬二大字賜邑人陳楚舟爲建閣以貯之因名御書閣

賈侯故宅在縣治後明洪武初邑侯賈元凱有惠政於民秩滿民爭留之因家焉

南薰書院在縣治南二里宋延祐間邑人驟溪陳氏建環綠書院在縣東南宋邑人譚衡建

侑溪書院在學宮右明嘉靖間臬司南昌姜儀建侑溪其號也胡士奇記

臨武縣志

卷之十二

古蹟志三

白石書院在涓溪書院右嘉靖二十七年知縣譚孔定爲太守蔡白石建

雪蓬書院在驟田爲雪蓬先生陳楚舟建榮御書之賜也

以上各書院例宜附學校後但早經頽廢存者其迹耳舊志列在古蹟故仍之